

Txog: Tam li Chauvin rooj plaub xaus, peb yuav ua li cas mus rau yav tom ntej?

Li nej coob tus, kuv kuj saib raws qab txog tus qub tub ceev xwm Derek Chauvin rooj plaub nws ua George Floyd tuag thiab tos cov neeg mloog rooj plaub kev txiav txim. Txawm lawv txiav txim li cas los, nws yuav tsum muaj kev kho pauv thiab koom ntawm tsoom nomtswv pejxeem xaiv, cov tswj txoj cai lij choj, thiab tsoom pejxeem hais txog kev ua tsis ncaj pauv qhov kev siv tshaj txoj cai thiab rau cov neeg yog tej pawg neeg tsawg tsis yog neeg tawv dawb. Kev txiav plaub ntug (*criminal justice system*) siv tsis sib luag yuav tsum tau tsum – thiab cov no muaj tshaj qhov tsoom tub ceev xwm xyuas tswj txoj cai nyob rau hauv tej kev hauv zej zog.

Rau peb tsoom mejyig, neeg ua haujlwm thiab xibfwb uas yog neeg Dub, Cov Neeg Ib Txwm nyob tebchaws no, thiab cov neeg cev nqaij daim tawv tsis yog neeg tawv dawb, kuv pom tias xyoo tas no nrog rau qhov tau muaj li cas rau Mr. Floyd thiaj tuag thiab qhov nyuam qhuav muaj uas tub ceev xwm tua Daunte Wright nyob hauv *Brooklyn Center, Minnesota* tuag, thiab tua tus nyuam muaj 13 xyooj, Adam Toledo nyob hauv *Chicago* tau muaj ntau yam kev nyuaj rau nej. Cov kev ua tsis ncaj no kuj ntxiv rau tus kab mob COVID-19 uas raug rau cov neeg tsis yog tawv dawb loj tshaj, thiab muaj kev ntxub ntxaug ua phem rau cov neeg tsis yog tawv dawb, nrog rau cov piv txwv nyuam qhuav muaj tsis ntev txog kev ntxub ntxaug cov neeg Esxias uas tau ua rau peb ib tsoom uas yog Esxias, *Pacific Islander* thiab *Desi American* ntshai.

Kuv paub tias txhua tsab xov xwm txog tej yam no kuj muab hais tau yooj yim tias yog lub qhua xwb. Tabsis kuv xav tias nws tseem ceeb yuav tau muab rub tawm thiab hais txog kev ntxub ntxaug vim cev nqaij daim tawv thaum muaj. Tam tus thawj coj hauv lub tsev kawm ntawv, kuv yuav tsum tau xyuas pauv rau ntawm taj chaw kuv tswj thiab kom lwm tus yuav tsum ua tib yam.

Rau thaum 2000 nyuam qhuav pib, Kuv coj ib pab muaj lub npe hu ua *National Academic of Sciences* xyuas txog tias yuav ntsuwb kev ntxub ntxaug ua tsis ncaj rau ntau qhov txog kev txais neeg ua haujlwm thiab nrhiav vaj tse nyob. Qhov kawg, kuv tau twm ib co kev tshawb fawb ntsuam txog kev ua tsis ncaj hauv kev txiav txim plaub ntug, ib qho kev kawm kuv tsis paub txog ua ntej ntawd. Piv rau kev twm ntawv kawm nyob rau lwm yam, nws yog ib qho ua rau kuv ras – tsis yog nws qhia tias tsis yog cev nqaij daim tawv txawv, uas kuv xav tias vim li cas, tabsis vim qhov txawv ntau heev vim cev nqaij daim tawv thiab kev pov thawj muaj qhia vim li cas txawv deb tshaj txhua yam kuv pom rau lwm yam. Rau xyoo tas no, tag nrho peb txhua tus tau pom muaj ntau qhov piv txwv kev txiav txim plaub ntug ua tsis ncaj. Nws muaj ntau yam yuav tau kho pauv rau ib tsoom uas yog cov neeg Dub, Neeg Ib Txwm nyob tebchaws no thiab tsis yog neeg tawv dawb hauv thiab tawm sab nraum Wisconsin.

Yog peb sib zog txhawb hais kev ntxub ntxaug thiab txiav txim ua tsis ncag li peb tau sib koom tswj tus kab mob COVID-19, peb muaj peev xwm kho hloov tau. Thoob hauv tsev kawm ntawv, coob tus mejyig, xibfwb thiab neeg ua haujlwm tab tom sib zog xyuas thiab kawm txog tej teeb meem no, xyuas cov teeb meem tsis yog nyob hauv tsev kawm ntawv, thiab kho tej yam tau muaj tshwm sim nyob hauv UW thiab tawm sab nraum muab kev qhia, tshawb fawm kawm thiab muab tswv yim pab. Kuv xav muab los hais tej yam peb muaj tshuam txog lub caij tam sim no qhia txog cov peb ua thiab muaj kev pab:

- Qhov [Frank J. Remington Center](#)– Ib qho ntawm lub tsev qhia cai lijchoj (*Law School*), cov xibfwb, neeg ua haujlwm, thiab mejiyig txhawb pab cov cia li txiav txim yuam kev tias txhaum lawm thiab hais kom pauv nyob rau hauv kev txiav txim plaub ntug.
- Pawg [criminal justice reform team](#) nyob hauv lub *Social Justice Hub* – Ib qho ntawm lub [Office of Inclusion Education](#), yog cov mejiyig coj tshawb fawb kawm ntsuam txog txiav txim txhaum yuam kev thiab nrhiav kev pab rau cov neeg tsis yog neeg tawv dawb pab rau cai lijchoj thiab nrog cov koos haum pab kom txhob rov ua txhaum dua. Pawg no tsim cov ntawv xov xwm, *podcast* thiab lwm yam kev pab qhia.
- Qhov [UWPD Equity Initiative](#)– Txawm peb lub tebchaws tseem tab tom sib hais txog pauv kev ua raws tswj cai lijchoj xwb los, UWPD twb pib ib qho thaum 2020 loj kho kom muaj kev qhia tau txog kev ua tsis sib luag thiab ncaj ncee. Lawv yog ib qho zoo nyob rau hauv i blub tsev kawm ntawv thiab tau txais kev qhuas rau pib xyuas txog qhov no.
- Qhov [Understanding and Reducing Inequalities Initiative](#)– Tus *Vice Chancellor for Research and Graduate Education* nyuam qhuav tshaj tawm tias tau pom zoo muab nyiaj rau 15 qhov kev tshawb fawb kawm xyuas yuav ua li cas txog kev muaj tsis sib luag vim cev nqaij daim tawm nyob rau hauv U.S.

Tam li peb npaj rau kev txiav txim ntawm Derek Chauvin rooj plaub rau hnuv puav tom ntej no, kuv pom tias tej zaum ib cov neeg yuav tuaj sib koom ua ke thiab teb tias lawv ho pom zoo li cas. Kev muaj cai hais raw yus xav thiab tuaj koom ua kev yog cov txha txhawb ntawm peb lub tebchaws thiab tsev kawm ntawv. Yog koj mus koom los koj pom tias koj nyob ze rau ib qho muaj neeg coob tuaj koom ua ke, thov ua tib zoo xyuas kev nyabxeeb rau koj thiab lwm tus vim tej yam zoo li no pauv ceev heev.

Peb tseem txhawj heev txog cov kev nyuaj siab uas muaj lub xyoo tas no rau peb cov mejiyig, neeg ua haujlwm thiab xibfwb. Li tsab xov xwm tas no hais, peb muaj cov chaw pab hauv tsev kawm ntawv nrog nej tham thiab txais tos pab kev nyuab siab. Tej zaum nej yuav paub cov chaw pab no lawm, tabsis kuv paub tias ib co mejiyig thiab npoj yaig kuj tsis xav mus ntsib kev pab. *University Health Services* tau muab xyuas yog ib qho tseem ceeb yuav tsum txais cov neeg pab kev nyuaj siab txog cov mejiyig yog *BIPOC* xyuas txog kev nyuaj siab txog kev ntsub ntxaug. Peb pom tias peb yuav tsum kho ntiv kom tag nrho peb cov mejiyig, neeg ua haujlwm, thiab qhua muaj kev nyabxeeb thiab tau kev txais tos zoo thaum tuaj rau hauv tsev kawm ntawv.

Txawm txiav txim li cas rau hnuv puav tom ntej no los, kuv yuav txhawb koom nrog nej ntiv saib peb yuav kho li cas mus rau yav tom ntej. Tam peb txais tos lub caij ntuj ntsiab, muaj neeg coob yuav muaj kev zoo siab hwm cov hnuv caiv raws lawv kev ntseeg qhia txog keeb kwm los txog tam sim no. Rau lub caij no, kuv cuab tag nrho peb txhua tus kom siv sijhawm xav thiab xyuas saib peb tej keeb kwm ho ua rau peb yog leej twg thiab peb yog dabtsi – rau tus kheej thiab lub tsev kawm ntawv – thiab txhawb peb tus kheej rau kev pauv kho.